

## **Kalaallit Nunaanni 18-it inorlugit ukiullit killisiorneqarnerat pillugu kommunimut ilisimatitsissuteqartarneq pillugu nalunaarut**

Kalaallit Nunaanni eqqartuussisarnermik inatsimmi § 347, imm. 2 naapertorlugu, tak. inatsimmik nalunaarut nr. 305, 30. april 2008-meersoq aamma inatsisinik atortitsinermut ministerip pisinnaatitsineratigut aalajangersarneqarpoq:

**§ 1.** Pasillerneqartoq 18-it inorlugit ukiulik killisiorneqassatillugu pasilliullu makkununga tunngappat politiit suliaq pillugu kommunimut ilisimatitsissuteqartassapput

- 1) pinerluttulerinermi inatsimmik unioqutitsineq, imaluunniit
- 2) pissutsit inatsit malillugu pineqaatissinneqarsimasunut inissiisarfimmut inissinneqarnermik kinguneqarsinnaasut.

*Imm. 2.* Taamaattorli pasillerneqartoq pillarneqaataasinnaasumik iliuuseqarnermi iliuuseqarnialernermiluunniit nalaani tamatumaluunniit siunitsiannguagut politiinit naammattoorneqarpat, killisiuineq pillugu ilisimatitsisoqanngissinnaavoq pineqaatissiissut akiliisitaanermik annertunerussanngitsoq qularineqanngippat.

**§ 2.** Pasillerneqartup najugaani kommunimut ilisimatitsissuteqartoqassaaq. Kommunimi najugaq paasissutissiissutigineqarsimanngippat imaluunniit najukkap ungasinnera pissutigalugu tassangaannit orniguttoqarsinnaanngippat sumiiffimmi kommuni ilisimatinneqassaaq.

**§ 3.** Killisiuinerit § 1-imi taaneqartut politiinit imaluunniit eqqartuussivimmit ingerlanneqartut kommunimit aallartitamit sapinngisamik najuuffigineqassapput.

**§ 4.** Nalunaarut manna ulloq 1. januar 2010 atuutilerpoq.

*Rigsadvokaturen, ulloq 15. december 2009*

JØRGEN STEEN SØRENSEN

/ Jesper Hjortenberg